



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 2. Vtrum alius pro alio poßit satisfacere.

---

[urn:nbn:de:hbz:466:1-72898](#)

<sup>21</sup> Augustinus lib. De dogmatibus Ecclesiasticis c. 54. vbi dicitur: *Satisfactio est causa peccatorum exscindere, nec eorum suggestionibus adiutum indulgere.* Sed definitio illa data est ex effectu: vt supra q. 12. dictum est. Videatur cap. 53. vbi clarissime in satisfactione Auctor ille requirit lacrymas & orationem.

<sup>21</sup> Obiectio: quod omnia nostra opera Deo sunt debita. Objicunt Quartò alii quardam, que etiam ferre solent contra meritum: vt, hominem, quidquid habet & potest, debere Deo titulo creationis & redemptionis: quid ergo poterit reddere pro iniurijs? Confirmatur: quia seruus cum totus sit domini, nō potest domino quidquam reddere pro iniuria: quia quidquid est, & habet, est domini.

Explicatur & negatur. Respondeo: Non quidquid homo potest, absolute tenetur facere: quia Deus non omnia à nobis exigit, sed ea tantum quæ præcepta sunt; præter quæ potest multa alia facere, quæ etiæ teneatur facere quando peccauit, tamen ante peccatum nō tenebatur, sed erant ei libera: & hæc vocamus opera satisfactoria. Ad Confirmationem Respondeo: Ex eo quod homo totus naturâ suâ sit Dei, bene sequitur non posse inter illum & Deum esse iustitiam perfectam; non autem quin possit esse imperfecta, præsupposita videlicet promissione & acceptatione diuina. Sicuti inter dominum & seruum, si dominus non exigat nisi certa quædam opera, reliqua relinquit in ipsius arbitrio, poterit seruus per illa satisfacere domino suo, si quod dominum intulerit, modò dominus velit acceptare. Vide lib. 13. de Perf. diuinis c. 2.

## ARTICVLVS II.

### Vtrum aliis pro alio possit satisfacere?

<sup>22</sup> Affirmatur. R Espondeo: Posse, modò vterque sit in gratiâ. Probat quidam Primo: Ex illo Apostoli ad Colossenses 1. v. 24. *Gaudeo in passionibus meis pro vobis, & adimpleo ea quæ desunt passionum Christi, in carne mea pro corpore eius, quod est Ecclesia.* Sed Apostolus hic non loquitur de satisfactione, sed de suis laboribus, quos tolerabat in prædicando Euangelio, vt sic meritum Christi applicaretur hominibus: hoc enim deerat passionibus Christi: nam sine Apostolorum & aliorum sanctorum præparatorum laboribus, Euangeliū Christi non innotueret orbi, ac proinde eius passio vim non habuisset in hominibus. Probat Secundò: Ad Galatas 6. v. 2. *Alter alterius onera portate.* Sed hic locus non vrget, quia de tolerandis mutuis imperfectionibus agit.

<sup>23</sup> Probatur solidius. Minus solum id quidam probant. Probatur ergo Primo: Iacobi 5. v. 26. *Orate pro inuicem, vt saluemini.* f. Ioannis 5. v. 16. Qui scit fratrem suum peccare non ad mortem, oret, & dabit ei vita. & alia huiusmodi.

Exempla Scripturar. a maiori admittimus. Probatur Secundò: Ratione. Prima est: Deus propter Iacob benedixit domui Laban: Genes. 30. v. 27. Propter decem iustos voluit patere quinque ciuitatibus Pentapolis: Genes. 18. v. 32. Propter preces Samuëlis, pepercit populo cum Regem petiſſent: 1. Reg. 12. v. 19. Propter David Dominus pepercit Salomonis: Reg. 11. v. 12. Propter lacrymas viduæ suscitauit filium eius defunctum: Luca 7. v. 13. Propter fidem portantium, sanauit paralyticum: Luca 5. v. 20. Ergo bona opera viuus possunt alteri prodeſſe ad

remissionem peccata temporalis. Patet consequētia; nam si Dominus sāpē pepercit impijs, iſque benefecit ob preces & merita iustorum, multò magis ignoscet peccata temporalem filii suis ob aliorum preces & afflictiones.

Secunda Ratio est: Omnes, qui sunt in gratia, Membris sunt membra viua viuus corporis & capitinis, vt sibi inveniuntur: docet Apostolus: ad Rom. 12. ad Ephes. 4. Atqui membrorum inter se est communio: iuvant enim se mutuo omnibus officijs sibi proprijs; sustinent pro mutua salute varios labores; interdum sectionem & vſionem; &, si quid patitur unum, compatiuntur reliqua. Ergo pari modo iusta possunt se mutuo iuare; & alterius afflictio poterit alteri prodeſſe: hoc enim postulat communio sanctorum, quam conſtat esse in Ecclesia.

Dixi, Modò vterque sit in gratiâ: quia etiæ opera iustorum possunt prodeſſe impijs ex congruo ad impetrandum auxilium, quo ad iustificationem diffringantur; & etiam ad peccatas temporales differendas, vt in hac vita non punitur: tamen non possunt prodeſſe ad remissionem peccatum temporalium, quamdiu manent impij; quia nemo est capax remissionis peccata, nisi remissa culpa, vt suprâ ostensum est.

## DVBIVM I.

### Vtrum satisfactio unius valeat alteri ex condigno?

<sup>24</sup> M Vlti Doctores sentiunt valere ex condigno; etiæ probabile. Verius tamen videtur, solum valere ex congruo, id est, ex Dei misericordia acceſſantis satisfactionem viuus proprobatur altero. Ita tenet Antonius Cordubensis qu. 5. de Indulgencij, & Ioannes Medina codice De satisfactione quæſt. 5.

Probatur Primo: Quia opus alterius non valet alteri, neque per modum perpetuationis seu initio-nis peccata; non enim tu suffices peccatum tibi debitum, dum ego punio: neque per modum meriti condigni; nam nemo alteri ex condigno mereri potest: ergo solum valet per modum imprecatio-nis. Patet Conſequētia, quia tantum his tribus modis potest valere satisfactione.

Probatur Secundò: Quia nulla extat promissio Dei de acceptanda alterius satisfactione pro peccatis alterius; & quamvis extaret, non sufficeret ad condignitatē satisfactionis: vt patet in promis-sione remissionis peccatorum facta penitentibus, quam tamen remissionē non merentur ex condigno, eo quod promissio non tribuat operi dignitatem.

Probatur Tertiò: Ratione à priori: quia opus hominis cum sit limitatum secundūm conditionē priori, & virtutem operantis, non potest alteri aliquam dignitatem tribuere ad aliquod bonum, sed solum operanti in quo manet (illud enim proprium est operibus Christi, quæ infinitam habent dignitatē meriti & satisfactionis,) quæ etiam cauta est quod nemo alteri possit ex condigno quidquam mereri: ergo mea satisfactione non potest tibi valere ex condigno, cum te non possit reddere dignum remissione peccatarum. Secundis est de satisfactione Christi quæ nobis applicata per Baptismum vel Sacramentū Peccantienti, æredit dignos non solum remissione peccata temporalis, sed etiam culpe & peccata æternæ.

Dices

26  
Obiectio-  
nes soluun-  
tur.

Cur vo-  
luntas Ada-  
mi ex con-  
digno va-  
luerit po-  
steris ad  
damnatio-  
nem.

Cur vnius  
pro alio  
possi con-  
digne satis-  
facere quo-  
ad debitum  
pecunia,  
non ita pro  
debito pene-

27  
Qualis, &  
in quo, fit  
commissio  
Sanctorum  
in Ecclesia,

Dices Primo: Peccatum Adæ non erat infinita virtutis in ratione mali, & tamen ex condigno meruit omnibus priuationem gratiae & damnationem: ergo pari modo satisfactio vnius poterit alteri valere ex condigno.

Respondeo Negando Consequentiam: nam opus illud non solum erat Adami, sed etiam posterorum, qui in ipso virtute continebantur, quantum voluntas Adami censebatur esse posteriorum. Itaque ex condigno valuit omnibus ad damnationem, non ut erat opus Adami, sed ut opus totius posteritatis: satisfactio autem mea non sic est opus alterius, pro quo satisfacere intendo, imo nec esse potest.

Dices Secundò: In Republica ciuili alter potest pro altero apud Principem condigne satisfacere: cur non etiam in Republica spirituali, id est, in Ecclesiâ apud Deum?

Respondeo: Si debitum sit pecuniarum, sic potest alter pro altero satisfacere: nam in tali solutione solum spectatur, ut tanta summa detur, siue à reo, siue ab alio nomine rei: cum enim alias nomine rei dat, ipse reus solvere censetur. Ratio est, quia pecunia potest perfectè transferri in ipsum rem, ut tam verè & perfectè fiat ipsius, sicut ante fuit alterius. Si autem debitum consistat in obligatione ad aliquam paenam positivam sustinendam (vt si reus damnatus sit ad exilium, carcere, flagella) non potest aliis pro eo condigne satisfacere, sed solum ex misericordia acceptatione Principis, qui condonat reo supplicium propter alterius preces, & afflictionem oblatam. Ratio est, quia opus satisfactorium alterius non potest ita in rei transferri, ut propriè fiat ipsius, sicut erat eius qui illud re ipsa sustinuit.

Dices Tertiò: In Ecclesiâ est communio Sanctorum: ergo ex condigno: alioquin erit imperfecta.

Respondeo: Sicut communio Sanctorum non postulat, vt alter alteri ex condigno mereatur, ita neque vt condigne satisfaciat. Sufficit enim ad hanc communionem, vt alter curam salutis alterius gerat, vt de bonis mutuis gaudent, de malis dolent, bona procurent, mala auertant; quod fit orando, suaque bona opera Deo pro altero offerendo.

Dices Quartò: Si satisfactio alterius alteri so-

lum valeat per modum impetrations: ergo non An Christi valet lege infallibili; quod videtur absurdum.

Respondeo Primo: Non est certum satisfactionem vnius valere alteri lege infallibili; nusquam fallibili, enim id habetur in Scriptura vel Traditione; nec villa ratio convincit: imo certum est, non valere alteri tantum, quantum valeret, si ipsem eam subiret; vt recte Medina quæst. 5: quod est signum non valere ex condigno, quando eam non subiret.

Respondeo Secundo: Negari potest consequentia: nam etiam contraria lege infallibili effectum habet remissionem peccatorum, non tamen ex condignitate.

Dices Quintò: Ergo Indulgentiae non valebunt ex condigno: quod est contra communem Ecclesiæ sensum.

Respondeo Negando consequentiam: quia per Indulgentias non solum applicantur satisfactions Sanctorum, sed etiam Christi; & etenim ex condigno valent.

## DVBIVM II.

Vtrum satisfactio, quam alius pro alio suscipit, sit Sacramentalis?

R Espondeo: non esse: quidquid alii dixerint.

Probatur Primo: Quia satisfactio sacramentalis debet procedere ex virtute Clauis, id est, ex potestate Sacerdotali: hinc enim habet, quod fit sacramentalis; vt colligitur ex Concilio Tridentino sess. 14. cap. 8. Atqui Sacerdos, per potestatē Clauis non potest alteri imponere penitentiam pro pœnitente subeundam, sed solum ipsi pœnitenti: ergo pœnitentia illa non est sacramentalis.

Probatur Secundò: Quia pœnitentia sacramentalis imponi debet tum ad remedium & ad custodiā contra peccata futura, tum ad vindictam præteritorum: atqui satisfactio tua non est remedium, aut vindicta peccatorum alterius. Quod fit, vt quando pœnitens non potest implere pœnitentiam impositam, non teneatur eam curare per seipsum; & si curet, non ideo liberatur, quando recte valuerit: neque illa per alterum impleta, alienam, oteri ipsi proderit, quam per modum impetratus, etiam consensu vel iussu Sacerdotis curatur per alium impleri.

## Q V Æ S T I O X I V .

### De Qualitate Satisfactionis.

#### ARTICVLVS I.

Vtrum homo posset de uno peccato  
satisfacere, sine alio?

R Espondeo & Dico Primo: Non potest quis satisfacere pro uno peccato quoad culpam & paenam eternam, quin pari modo simul satisfaciat pro alio. Patet ex dictis supra q. 86. & 87. & hoc solum vult D. Tho. isto articulo.

Dico Secundò: Iustificatus potest satisfacere pro pena temporali vnius peccati, sic ut non fa-

tisfaciat simul pro pena alterius. Est etiam certum. Ratio est: quia diuersis peccatis diuersæ paenæ respondent, quarum una non est alteri connexa.

Petes: An ergo pro diuersis peccatis oporteat An quouis diuersis paenarum generibus satisfacere? genere sa-  
tisfactio-

Respondeo: Si satisfactio consideretur, quatenus est satisfactio, & vindicta pro peccatis præteritis, sic quouis genere satisfactionis possimus peccato sa-  
pro quo quis peccato satisfacere, nempe vel oratione, vel ieiunio, vel eleemosynis: quia quodlibet horum, si debite & quantum oportet usurpetur, sufficit ad quamvis paenam temporalem rediendum. Si autem consideretur satisfactio, quatenus est in